



Broj: 11/1-_____ /18
Tuzla, _____ 2018. godine

Na osnovu Zaključka Skupštine Tuzlanskog kantona, broj: 01-02-594-4/17 od 29.12.2017. godine, Ministarstvo za kulturu, sport i mlade Tuzlanskog kantona, utvrđuje

PROGRAM

javne rasprave o Nacrtu Zakona o izmjenama i dopunama Zakona o sportu

1. Vlada Tuzlanskog kantona, na sjednici održanoj dana 21.11.2017. godine utvrdila je Nacrt Zakona o izmjenama i dopunama Zakona o sportu, i isti dostavila Skupštini Tuzlanskog kantona na razmatranje i usvajanje. Zaključkom broj: 01-02-594-4/17 od 29.12.2017. godine, Skupština Tuzlanskog kantona prihvatila je Nacrt Zakona o izmjenama i dopunama Zakona o sportu i konstatovala da isti može poslužiti kao osnova za izradu Prijedloga Zakona sa stavovima i primjedbama na Nacrt Zakona koje su izložila radna tijela i poslanici na sjednici Skupštine, te zadužila Ministarstvo za kulturu, sport i mlade da provede javnu raspravu u trajanju od 30 dana, da sumira rezultate javne rasprave i sačini izvještaj koji će dostaviti Vladi Tuzlanskog kantona i poslanicima Skupštine Tuzlanskog kantona uz Prijedlog Zakona.

2. Imajući u vidu naprijed navedeno, Ministarstvo za kulturu, sport i mlade Tuzlanskog kantona upućuje u javnu raspravu Nacrt Zakona o izmjenama i dopunama Zakona o sportu sljedećim pravnim subjektima:

- Svim kantonalnim ministarstvima;
- Gradsko vijeće Tuzla;
- Općinska vijeća: Banovići, Čelić, Živinice, Sapna, Doboј Istok, Gračanica, Kalesija, Gradačac, Kladanj, Lukavac, Srebrenik i Teočak;
- Kantonalna uprava za inspeksijske poslove Tuzla;
- Sportski savez invalida Tuzlanskog kantona;
- Sportski savez Tuzlanskog kantona;

3. Zadužuje se Kantonalna uprava za inspeksijske poslove Tuzla da posebno razmotri važeća materijalno-pravna i procesna rješenja sadržana u važećem Zakonu o sportu i predmetnom nacrtu, te Ministarstvu za kulturu, sport i mlade Tuzlanskog kantona dostavi primjedbe, prijedloge, sugestije i mišljenja u smislu provođenja inspeksijskog nadzora i drugih segmenata sadržanih u zakonu bitnih za odgovarajuće provođenje inspeksijskog nadzora u oblasti sporta na području Tuzlanskog kantona.

4. Sportski savez invalida Tuzlanskog kantona, u pisanoj formi, informisat će o Nacrtu Zakona o izmjenama i dopunama Zakona o sportu i javnoj raspravi, dostavljajući pri tome tekst ovog programa Sportskom savezu SO RVI i IL Tuzlanskog kantona, te drugim sportskim organizacijama lica sa invaliditetom, za koje ocijeni da iste trebaju biti uključene u postupak javne rasprave. Ovlašćuje se Sportski savez za lica sa invaliditetom Tuzlanskog kantona da u toku trajanja javne rasprave, po potrebi, sa pomenutim sportskim organizacijama održi sastanak.

5. Sportski savez Tuzlanskog kantona, u pisanoj formi, informisat će o Nacrtu Zakona o izmjenama i dopunama Zakona o sportu i javnoj raspravi, dostavljajući pri tome tekst ovog programa sljedećim sportskim organizacijama: Odbojkaški savez Tuzlanskog kantona, Savez sportskih ribolovnih društava Tuzlanskog kantona, Karate savez Tuzlanskog kantona, Šahovski savez Tuzlanskog kantona, Nogometni savez Tuzlanskog kantona, Regionalni košarkaški savez Tuzla, Sportski savez Tuzla, Sportski savez Doboј Istok, Sportski savez Gračanica, Sportski savez



Lukavac, Sportski savez Gradačac, Sportski savez Srebrenik, Sportski savez Teočak, Sportski savez Kalesija, Sportski savez Kladanj, Sportski savez Živinice, Udruženje klubova općine Banovići, Sportski savez invalida Tuzla, te druge sportske organizacije, za koje ocijeni da iste trebaju biti uključene u postupak javne rasprave. Ovlašćuje se Sportski savez Tuzlanskog kantona da u toku trajanja javne rasprave, po potrebi, sa pomenutim sportskim organizacijama održi sastanak.

6. Svoje primjedbe, prijedloge, sugestije i mišljenja Gradsko vijeće Tuzla, sva općinska vijeća sa područja Tuzlanskog kantona (pobliže označena u tački 1. ovog programa) i Kantonalna uprava za inspeksijske poslove Tuzla, kao učesnici javne rasprave, dostavit će Ministarstvu za kulturu, sport i mlade Tuzlanskog kantona u roku od 30 dana od dana donošenja zaključka o utvrđivanju Nacrta Zakona o izmjenama i dopunama Zakona o sportu od strane Skupštine Tuzlanskog kantona.

7. Sportske organizacije iz tačke 3. ovog programa svoje primjedbe, prijedloge, sugestije i mišljenja dostavit će Sportskom savezu invalida Tuzlanskog kantona, koji će iste sumirati i u formi posebnog akta dostaviti Ministarstvu za kulturu, sport i mlade Tuzlanskog kantona, dostavljajući pri tome svoj vlastiti stav i stav po pitanju primjedbi, prijedloga, sugestija i mišljenja pomenutih sportskih organizacija.

8. Sportski savezi i sportske organizacije iz tačke 4. ovog programa svoje primjedbe, prijedloge, sugestije i mišljenja dostavit će Sportskom savezu Tuzlanskog kantona, koji će iste sumirati i u formi posebnog akta dostaviti Ministarstvu za kulturu, sport i mlade Tuzlanskog kantona, dostavljajući pri tome svoj vlastiti stav i stav po pitanju primjedbi, prijedloga, sugestija i mišljenja pomenutih sportskih organizacija.

9. Primjedbe, prijedloge, sugestije i mišljenja svi učesnici javne rasprave, na način određen ovim programom, dostavit će na adresu ul. Rudarska 65. Tuzla.

Javna rasprava traje do 28.01.2018. godine.

10. Po isteku roka od 30 dana od dana utvrđivanja predmetnog nacrta od strane Skupštine Tuzlanskog kantona, sumirat će se rezultati javne rasprave i organizovati rasprava na Okruglom stolu. Okrugli sto održat će se u prostorijama Ministarstva za kulturu, sport i mlade Tuzlanskog kantona ili na drugoj odgovarajućoj lokaciji, o čemu će svi zainteresovani subjekti biti obaviješteni putem internet stranice Vlade Tuzlanskog kantona (www.vladatk.kim.ba) ili putem e-maila Ministarstva za kulturu, sport i mlade Tuzlanskog kantona (mksm@tk.kim.ba)

11. Nakon organizovanja Okruglog stola Vlada Tuzlanskog kantona sačinit će se Izvještaj o provedenoj javnoj raspravi i utvrditi tekst Prijedloga Zakona o o izmjenama i dopunama Zakona o sportu.

12. Nakon utvrđivanja Prijedloga predmetnog zakona Vlada Tuzlanskog kantona uputit će isti u dalju skupštinsku proceduru na usvajanje.

13. Tekst Nacrta Zakona o izmjenama i dopunama Zakona o sportu može se preuzeti na internet stranici Vlade Tuzlanskog kantona (www.vladatk.kim.ba) ili putem e-maila Ministarstva za kulturu, sport i mlade Tuzlanskog kantona (mksm@tk.kim.ba)

MINISTAR

Srdan Mićanović